



Broj predmeta: 13-002678/23
Broj akta: 01.1-1528ZN-0021/24
Datum, 23. 1. 2024.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 27/23 - prečišćeni tekst,) u skladu s članovima 25. i 32 stav (1) Zakona o javnim nabavkama («Službeni glasnik BiH», broj 39/14 i 59/22), člana 10. stav (1) tačka b) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023), Zapisnika o pregledu i ocjeni ponuda sa preporukom Komisije za javne nabavke broj: 13-002678/23 od 3.1.2024. godine i Mišljenja Pravobranilaštva Brčko distrikta BiH broj: M-61/24 od 23.1.2024. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJIH PONUĐAČA

Član 1.

(1) U provedenom otvorenom postupku, međunarodni vrijednosni razred, za nabavku i sukcesivnu ugradnju rezervnih dijelova i potrebnog materijala za servisiranje i popravku motornih vozila u vlasništvu Brčko distrikta BiH za 2024. 2025. i 2026. godinu – ponovljeni postupak prema zahtjevu za nabavku Odjeljenja za javne poslove Vlade Brčko distrikta BiH – lotovi 1-10, izabrani su najpovoljniji ponuđač kojem se dodjeljuje okvirni sporazum za lotove 2,3,6 za period do 31.12.2026. godine, dok se za lotove 1,4,5,7,8, 9 i 10 donosi odluka o poništenju postupka nabavke.

Naziv najpovoljnijeg ponuđača za Lot 2 je „LADA AUTO“ d.o.o. Banja Luka.
Lot 2 - Nabavka i sukcesivna ugradnja rezervnih dijelova prema uputstvu proizvođača motornog vozila za motorna vozila iz programa LADA, proizvedena od 1.1.2020. godine

Vrijednost okvirnog sporazuma sa uračunatim PDV-om iznosi **15.418,45 KM.**

Naziv najpovoljnijeg ponuđača za Lot 3 je „METAGO“ d.o.o. Banja Luka.
Lot 3 - Nabavka i sukcesivna ugradnja rezervnih dijelova prema uputstvu proizvođača motornog vozila za motorna vozila iz programa ISUZU, proizvedena od 1.1.2020. godine.

Vrijednost okvirnog sporazuma sa uračunatim PDV-om iznosi **8.140,86 KM.**

Naziv najpovoljnijeg ponuđača za Lot 6 je „BRČKO GAS“ d.o.o. Brčko.
Lot 6 - Nabavka i sukcesivna ugradnja rezervnih dijelova prema uputstvu proizvođača motornog vozila za motorna vozila iz programa VOLKSWAGEN, proizvedena od 1.1.2020. godine

Vrijednost okvirnog sporazuma sa uračunatim PDV-om iznosi **60.420,59 KM.**

Član 2.

Postupak je proveden na osnovu Odluke o pokretanju postupka javne nabavke broj: 13-002678/23 od 30.10.2023. godine, Obavještenja o nabavci na portalu javnih nabavki broj: 1157-1-1-442-3-748/23 od 10.11.2023. godine, specifikacije robe u vezi sa Tenderskom dokumentacijom broj: 13-002678/23 i ponuda ponuđača.

Član 3.

Finansiranje navedene nabavke će se izvršiti za 2024. godinu iz budžeta 2024. godine, za 2025. i 2026. godinu na osnovu odluka o privremenom finansiranju Vlade i institucija Brčko distrikta BiH za 2025. i 2026. godinu i usvojenih budžeta za 2025. i 2026. godinu, organizacioni kodovi odjeljenja i institucija Brčko distrikta BiH, korisnika motornih vozila, ekonomski kod 613700.

Obrazloženje

Komisija za nabavke je nakon izvršenog otvaranja ponuda konstatovala da su dostavljene četiri ponude, ponuđača: "Metago" d.o.o. Banja Luka, „Lada auto“ d.o.o. Banja Luka, „Brčko gas“ d.o.o. Brčko i „Žule“ d.o.o. Brčko. Sastavni dio odluke čini zapisnik sa otvaranja ponuda i zapisnik o pregledu i ocjeni ponuda. Ponude su ocijenjene kao prihvatljive prema obliku, sadržaju i potpunosti te u pogledu načina pripreme i dostave ponude, osim ponude ponuđača „Žule“ d.o.o. Brčko. Ponuda navedenog ponuđača nije uvezana niti je numerisana u skladu sa zahtjevima iz tačke 6.1.6. tenderske dokumentacije. Obzirom na navedeno, ponuda ponuđača „Žule“ d.o.o. Brčko ocijenjena kao nepravilna i u skladu sa odredbama tačke 1.1.10 tenderske dokumentacije, kao takva i odbačena. Ponuđači su ocijenjeni kao kvalifikovani jer su ispunili kvalifikacione kriterije u skladu sa članom 45. do 51. Zakona. Ponude su ocijenjene kao prihvatljive jer su bile u skladu sa tehničkim specifikacijama. Izvršena je računska kontrola i ustanovljeno je da nije bilo računskih greški u dostavljenim ponudama. Iznos ponuda za lotove 2, 3 i 6 je bio u okviru procijenjene vrijednosti nabavke. Kriterij za izbor ponuda je ekonomski najpovoljnija ponuda i to u smislu kriterija - cijena 70 % i operativni troškovi 30% . E-aukcija nije bila predviđena. Svi ponuđači osim ponuđača „Lada auto“ d.o.o. Banja Luka i „Metago“ d.o.o. Banja Luka pripadaju prvoj zoni (do 10 km udaljenosti). Navedeni ponuđači pripadaju trećoj zoni. S obzirom da su svi ponuđači dostavili ponudu za samo jedan lot te nije bilo potrebe za rangiranjem ponuda. Nije bilo elemenata za sumnju u neprirodno nisku cijenu najpovoljnijih ponuda. Komisija je utvrdila da nije bila dostavljena nijedna ponuda za lotove 1,4,5,7,8 i 10 dok je za lot 9 ponuda bila neprihvatljiva jer je samo jedan ponuđač dostavio ponudu ali ponuda ponuđača nije bila uvezana niti je bila numerisana. Komisija je dostavila preporuku o donošenju odluke o poništenju postupka javne nabavke za navedene lotove. Komisija je u skladu sa kriterijem ekonomski najpovoljnije ponude - kriteriji cijena 70% i operativni troškovi 30%, dostavila preporuku o izboru najpovoljnijih ponuđača za lotove 2, 3 i 6.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Odjeljenju za javne poslove,
5. Arhivi.

